

SUID-AFRIKAANSE RADIOLIGA

SARL NUUS SONDAG 31 MAART 2002

Dit is amateurradiostasie ZS6SRL van die Suid-Afrikaanse Radioliga, die nasionale vereniging vir amateurradio in Suid-Afrika, met 'n nuusbuletin wat elke Sondag om 08:15 SAST in Afrikaans en om 08:30 SAT in Engels uitgesaai word.

Hierdie buletin is ook op die webwerf van die SARL by www.sarl.org.za en op pakketbuletinborde beskikbaar.

Die Pretoria Amateurradioklub kondig met leedwese die heengaan van Kevin Napier, ZS6KPN op 27 Maart aan. Hy het sowat 4 weke gelede siek geword en desondanks intensiewe mediese sorg het hy nie herstel nie. Hy was 'n gereelde SARL Engelse buletinleser op Sondagoggende en het ook baie oudio bande gelees en opgeneem vir die blindes. Kevin laat sy vrou Jean, seun Mark en dogter Jane agter en ons wens hulle alle sterkte en moed toe vir die toekoms.

In die nuus vandag:

SARLNUUS ONDERVIND PROBLEME

Bly ingeskakel vir meer besonderhede hieroor en ander nuusitems.

Besoek ook die SARL-webblad of skakel die SARL-kantoor wat vanaf 09:00 tot 13:00 op weekdae oop is by telefoon 011 675-2393 vir inligting oor hoe om by die SARL aan te sluit, boekverkope en alle verwante amateurradioaangeleenthede.

Die SARL nuusdiens nooi klubs en individue om nuus aangaande amateurradio aan sarlnews@hotmail.com te stuur. Indien moontlik stuur dit asb in Afrikaans sowel as Engels.

U luister na ZS6SRL.

Die nuus volg in besonderhede:

SARLNUUS ONDERVIND PROBLEME

As gevolg van 'n apparatuurfout by Sarlnuus het die jongste adreslys van buletinintekenare verlore gegaan en moes daar noodgedwonge van 'n rugsteunkopie van die adreslys gebruik gemaak word vir die versending van hierdie buletin. Die jongste bywerkings van die adreslys sal dus nie ingesluit wees nie.

Indien van hierdie intekenare wat nie die buletin ontvang het nie, dit wel oor die lug hoor, stuur asb 'n kort boodskap met u naam en e-posadres aan sarlnews@hotmail.com. Sarlnuus vra om verskoning vir die ongerief en sal poog om die probleem so spoedig moontlik te oorkom.

SARL AJV

Die Algemene Jaarvergadering van die SARL vind op Saterdag 20 April in die Nasionale AmateurRadioSentrum te Radiokop, Gauteng, plaas. Die program, met mosies en verslae, is reeds aan lede gepos maar dit is ook op die webblad van

die SARL beskikbaar by www.sarl.org.za. Klubs word versoek om besonderhede solank daarvandaan af te laai en met hulle lede te bespreek.

SOSIALE FUNKSIE Wes-Rand amateurradioklub hou 'n sosiale funksie op Vrydag 19 April om 19:00 by hulle klubhuis te Krotonweg, Wetervredenspark in Roodepoort. Die doel met die geleentheid is die saambring van al die afgevaardigdes en belangstellendes na die S.A.R.L se AJV. Daar sal eet- en drinkgoed beskikbaar wees teen 'n nominale koste. Bespreek asb u plek aangesien dit die organiseerders sal help met hulle beplanning. Kontaknommers is soos volg : 011 726 6807 gedurende kantoorure en 011-7266892 na ure. Bill en Petra staan gereed om u van hulp te wees.

WES-RAND VLOOIMARK

Op Saterdag die 20ste April hou die Wes-Rand amateurradioklub 'n vlooiemark by hulle klubhuis te Krotonlaan, Weltevredenspark. Die hekke open om 13:00. Hulle vra dat besoekers nie te vroeg opdaag nie aangesien dit lei tot 'n opeenhoping by die hekke. Uitstallers word gevra om hulle plekke te bespreek by Bill 011 726 6807 gedurende kantoorure. 'n Geringe bedraggie word gehef vir uitstallers.

SARL 80-METER QSO-GESELLIGHEID

Onthou die eerste been van die 80-meter QSO-geselligheid vind op Donderdag 04 April vanaf 19:00 tot 22:00 SAT plaas. Slegs frekwensies tussen 3600 en 3650 kHz mag gebruik word en dit is slegs ESB-werking. Deelnemers ruil roepseine, seinrapporte, reeksnommer (vanaf 001) en ruitblok of naam van QTH uit.

10 punte word verdien vir elke kontak met 'n Suid-Afrikaanse stasie en 15 punte vir elke kontak met 'n stasie buite Suid-Afrika. Die adres vir kompetisie- inskrywings is: Die Kompetisiekomitee, Posbus 21762, Bluff, 4036. E-pos navrae aan zs5lp@sharksden.co.za

SARL LANGDIENSTOEKENINGS

Indien u nog nie op die SARL se oproep om besonderhede tov langdienstoekenings gereageer het nie, word u vriendelik versoek om sonder versuim u roepsein, naam en aansluitingsdatum per e-pos aan QRM@intekom.co.za of per telefoon aan 021-4603640 te stuur.

VOLGENDE RAE

Net 'n herhinnering dat die volgende RAE op Donderdag 23 Mei om 19:00 SAST plaasvind. Die sluitingsdatum vir inskrywings is 16 April.

KLUBNUUS

SASOLBURG RADIOKLUB VIER MARCONIDAG

Die Sasolburg Radioklub sal 'n geleentheidstasie bedryf ter viering van Marconidag op 27 April vanaf 08:00 tot 20:00 SAT. Die stasie sal opgerig word by die lapa net Suid van die Excell Motorhawe, op die hoek van D.F. Malan- en

J.G. Strydomrylane.

Die stasie sal QRV wees op 2m, 6m, HF (30m, 40m & 80m), Pakketradio en HF Digitaal. Die hoofdoel van die projek is om amateurradio aan die breë publiek bekend te stel. Dit sal waardeur word as so veel as moontlik amateurs die verrigtinge besoek.

ZS6PTA VLOOIMARK

Die Pretoria Amateurradioklub hou hul herfsvlooiemark op Saterdag 6 April 2002.

Die vlooiemark sal oudergewoonte op die Suidkampus van die Universiteit van Pretoria gehou word en let op dat die aanvangstyd 12:00 is.

Almal is welkom om die grootste vlooiemark in Suidelike Afrika by te woon. Skakel Almero ZS6RY by (012) 567 3722 of op 082 414 5164 indien u 'n tafel wil bespreek of aanwysings benodig om by die vlooiemark uit te kom.

SARLNUUS bedank alle nuusbydraers, individue, klubs en ander organisasies vir bydraes tot hierdie bulletin en al die stasies wat so getrou die herleidings behartig.. Hierdie bulletin is saamgestel deur George, ZS6NE, en gelees deur vanuit as 'n diens aan radioamateurs, kortgolfluisteraars en elektronikaentoesiaste

Die SARL nooi u ook om Sondae om 10:00 na Amateur Radio Mirror International op 21560, 9750 en 7082 kHz en 145,750 MHz in die Pretoriagebied te luister. 'n Heruitsending kan Maandagaande om 20:00 SAST op 3215 kHz gehoor word.

ARMI word deur Telkom en Sentech geborg.

Die net van die President van die SARL is Sondae om 12:00 op 7082 kHz op die lug.

U het geluister na ZS6SRL, dankie u dat u by ons aangesluit het . Hierdie Afrikaanse uitsending eindig nou en SARLNUUS wens u aangename week toe.

Totsiens almal.

/EX